



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՈՒՐԴ

Ո Ր Ո Շ ՈՒ Մ

ՓԱՍՏԱԲԱՆՆԵՐԻ ՊԱԼԱՏԻ ՈՐԱԿՎՈՐՄԱՆ ՀԱՁՆԱԺՈՂՈՎԸ ԿԱԶՄԱՎՈՐԵԼՈՒ ՄԱՍԻՆ

Հայաստանի Հանրապետության փաստաբանների պալատի (**այսուհետ՝ Պալատ**) խորհուրդը, մասնակցությամբ Պալատի խորհրդի նախագահ Սիմոն Բաբայանի, խորհրդի անդամներ՝ Էմին Բեգլարյանի, Պավել Գյուլումյանի, Գայանե Դեմիրջյանի, Մանե Կարապետյանի, Արսեն Հարությունյանի, Ռուբեն Հակոբյանի, Լիլիթ Ղազանջյանի, Կարեն Մեժլումյանի և Մարինե Ֆարմանյանի, քննության առնելով Պալատի որակավորման հանձնաժողովը կազմավորելու հարցը,

Պ Ա Ր Զ Ե Ց՝

Պալատի խորհրդի 21.03.2023 թվականի թիվ 8/11-Ա որոշմամբ կազմավորվել է Պալատի որակավորման հանձնաժողով՝ մինչև 2025 թվականի մարտի 21-ը պաշտոնավարման ժամկետով:

«Փաստաբանության մասին» օրենքի 12-րդ հոդվածի երկրորդ մասի համաձայն՝ **փաստաբանների պալատի որակավորման հանձնաժողովը կազմավորվում է երկու փարի ժամկետով՝ ինն անդամի կազմով, ներկայացուցչության հերկյալ համամասնությամբ.**

1) **փաստաբանների պալատի խորհրդի ընտրած հինգ փաստաբան.**

2) **Հայաստանի Հանրապետության արդարադատության նախարարությունից մեկ ներկայացուցիչ՝ Հայաստանի Հանրապետության արդարադատության նախարարի ներկայացմամբ.**

3) **Վճռաբեկ դատարանից մեկ դատավոր՝ Վճռաբեկ դատարանի նախագահի ներկայացմամբ.**

4) **երկու իրավաբան գիտնական՝ սույն հոդվածով սահմանված կարգին և պայմաններին համապատասխան:**

Պալատի կանոնադրության 18.2 կետի համաձայն՝ **փաստաբանների պալատի**
14 մարտի 2025թ.
թիվ 6/10-Ա

որակավորման հանձնաժողովը կազմավորվում է փաստաբանների պալատի խորհրդի կողմից՝ երկու փարի ժամկետով...:

16.01.2025թ. (մուտք՝ 100-25) և 22.01.2025թ. (մուտք՝ 155-25) ՀՀ փաստաբանների պալատ է մուտքագրվել Վճռաբեկ դատարանի նախագահի և Արդարադատության նախարարի գրությունները, որոնցով առաջարկվել են համապատասխանաբար Վճռաբեկ դատարանի վարչական պալատի դատավոր Լիանա Հակոբյանի և Արդարադատության նախարարարության Իրավական ապահովման վարչության պետ Մարգարիտա Զալիբեկյանի թեկնածությունները:

ՀՀ փաստաբանների պալատի խորհրդի 13.01.2023թ. թիվ 2/3-Լ որոշմամբ հաստատված «Հայաստանի Հանրապետության փաստաբանների պալատի որակավորման հանձնաժողովի ձևավորման և գործունեության կարգ»-ի (այսուհետ՝ **Կարգ**) 8-րդ կետի համաձայն Պալատի խորհուրդը հայտարարել է ՀՀ փաստաբանների պալատի որակավորման հանձնաժողովի (**այսուհետ՝ նաև Հանձնաժողով**) իրավաբան-գիտնական անդամների մրցույթ:

Մրցույթին մասնակցել է երկու իրավաբան գիտնական: Պալատի խորհրդի 07.03.2025թ. թիվ 5/29-Լ որոշմամբ երկու թեկնածուներն ընդգրկվել են իրավաբան գիտնականին թեկնածուների ցանկում:

«Փաստաբանության մասին» օրենքի 12-րդ հոդվածի 5-րդ մասի և Կարգի 21-րդ, 22-րդ և 23-րդ կետերի համաձայն Պալատի խորհրդի 14.03.2025թ. թիվ 6/8-Ա որոշմամբ Պալատի խորհրդի կողմից հաստատված որակավորման հանձնաժողովի իրավաբան-գիտնական անդամների թեկնածուների կազմից ի.գ.թ. Արսեն Համբարձումյանը և ի.գ.թ. Միսակ Մարկոսյանը ընտրվել են որպես ՀՀ փաստաբանների պալատի որակավորման հանձնաժողովի իրավաբան գիտնական անդամներ:

Կարգի 6-րդ կետի համաձայն՝ *Հանձնաժողովի հինգ փաստաբան անդամները ընտրվում են Պալատի նախագահի առաջադրմամբ՝ արտոնագիրը չկասեցված, բարձր մասնագիտական որակներով օժտված և առնվազն 5 (հինգ) տարվա փաստաբանական ստաժ (այդ ժամանակահատվածի մեջ չի ներառվում փաստաբանի արտոնագրի կասեցված ժամանակահատվածը) ունեցող փաստաբանների կազմից: Սույն կետում նշված սահմանափակումը չի տարածվում գիտական աստիճան ունեցող փաստաբանի նկատմամբ:*

Կարգի 10-րդ կետի համաձայն Պալատի նախագահի կողմից որպես Հանձնաժողովի փաստաբան անդամներ Պալատի խորհրդին է առաջարկվել բարձր մասնագիտական որակներով օժտված փաստաբաններ՝ իրավաբանական գիտությունների թեկնածու Արա Զոհրաբյանի (արտոնագիր № 1, մոտ 24 տարվա փաստաբանական ստաժ), Գառնիկ Թուխտարյանի (արտոնագիր № 531, մոտ 19 տարվա փաստաբանական ստաժ), իրավաբանական գիտությունների թեկնածու Հունան Տեր-Վարդանյանի (արտոնագիր № 1108, մոտ 15 տարվա փաստաբանական ստաժ), Արմինե Ֆանյանի (արտոնագիր № 1262, մոտ 14

տարվա փաստաբանական ստաժ) և Կարեն Մեժլումյանի (արտոնագիր № 2, մոտ 24 տարվա փաստաբանական ստաժ) թեկնածությունները:

Ելնելով վերոգրյալից և նկատի ունենալով Պալատի նոր որակավորման հանձնաժողով կազմավորելու անհրաժեշտությունը,

ղեկավարվելով «Փաստաբանության մասին» օրենքի 10-րդ հոդվածի 4-րդ մասի 12-րդ կետի և Պալատի կանոնադրության 16.5-րդ կետի 13-րդ ենթակետով, 18.2-րդ և 18.3-րդ կետերի, ինչպես նաև Կարգի 5-րդ, 6-րդ, 10-րդ, 12-րդ կետերի պահանջներով, Պալատի խորհուրդը, միաձայն

Ո Ր Ո Շ Ե Ց

1. ՀՀ փաստաբանների պալատի նախագահի կողմից առաջադրված փաստաբաններ Արա Ջոհրաբյանին (արտոնագիր № 1), Գառնիկ Թուխարյանին (արտոնագիր № 531), Հունան Տեր-Վարդանյանին (արտոնագիր № 1108), Արմինե Ֆանյանին (արտոնագիր № 1262) և Կարեն Մեժլումյանին (արտոնագիր № 2) ընտրել որպես ՀՀ փաստաբանների պալատի որակավորման հանձնաժողովի անդամներ:

2. Կազմավորել և հաստատել ՀՀ փաստաբանների պալատի որակավորման հանձնաժողովը՝ հետևյալ կազմով.

- 1) Արա Ջոհրաբյան՝ ի.գ.թ., փաստաբան (արտոնագիր № 1).
- 2) Հունան Տեր-Վարդանյան՝ ի.գ.թ., փաստաբան (արտոնագիր № 1108).
- 3) Գառնիկ Թուխարյան՝ փաստաբան (արտոնագիր № 531).
- 4) Արմինե Ֆանյան՝ փաստաբան (արտոնագիր № 1262).
- 5) Կարեն Մեժլումյան՝ փաստաբան (արտոնագիր № 2).
- 6) Մարգարիտա Ջալիբեկյան՝ ՀՀ արդարադատության նախարարության ներկայացուցիչ.
- 7) Լիանա Հակոբյան՝ ՀՀ վճարբեկ դատարանի ներկայացուցիչ.
- 8) Միսակ Մարկոսյան՝ ի.գ.թ.- գիտնական անդամ,
- 9) Արսեն Համբարձումյան՝ ի.գ.թ.- գիտնական անդամ:

3. Սահմանել, որ ՀՀ փաստաբանների պալատի որակավորման հանձնաժողովը կազմավորվում է երկու փարի ժամկետով և գործում է 2025 թվականի մարտի 22-ից մինչև 2027 թվականի մարտի 22-ը (ներառյալ):

4. Հանձնարարել Պալատի աշխատակազմի ղեկավարին՝ սույն որոշման մասին իրազեկել Պալատի որակավորման հանձնաժողովի նորընտիր անդամներին, ինչպես նաև ապահովել սույն որոշման հրապարակումը Պալատի կայքէջում:

5. Հանձնարարել Պալատի աշխատակազմի ղեկավարին ապահովել Հանձնաժողովի նորընտիր կազմի առաջին նիստի կազմակերպման տեխնիկական աշխատանքները:

Հայաստանի Հանրապետության
փաստաբանների պալատի
խորհրդի նախագահ՝

Սիմոն Բաբայան

**14 մարտի 2025թ.
թիվ 6/10-Ա
ք. Երևան**